

सानसेयारि बड'सा

सानसेयारि "बड'सा" खरीरालाइयाव
स्मान्जयारि जिज्जो लोब्बा थानाय रायथाय, खन्थाय,
सल', सल'बाथा आरु दावबायारि थावनि, पार्क
बाइदिनि स्यायाव लिन्नाय लिन्बिबां दैथाय डर/
सानसेयारि "बड'सा" खरीरालाइया खेबखानावै
फोस्वावगेव।
बड'सायाव लिन्हरनायनि हुबा खालाम,
"बड'सा" खरी नोथि, जो बयबो आंगो खालाम।
सानसेयारि बड'सा मावखुनि
माइबं नोगोर, जोहोलाव दैमालु लामा
ककाइर, बिटिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 3 February, 2024 Kokrajhar, BTC, Assam ★ Vol.-33, Issue No. 305 ★ R.N.I. Regd.No. 40994/91, Assam Govt. Regd.No.IPRD.40/2006/3, ★Rs.8/-

मदि सरकारनि गेरेन्टि



बयनिबो गावआरि पाक्का न'नि
सिमाड जाफुंसारगोन
4 कौटिनिबो बांसिन पाक्का न' लुदों
हमारा संकल्प विकसित भारत



बांसिन मिथिनो थाखाय
खेन खालाम



4 फेब्रुवारीयाव आसाम दावबायफैगोन गाहाइ मन्थि नरेन्द्र मदिआ

हादतआ 2047 माइथायसिमाव दरसे जौगासार भारत जानो थाखाय आवगायलांगसिनो: गाहाइ मन्थि

गुवाहाटी, 2 फेब्रुवारी: गाहाइ मन्थि नरेन्द्र मदिआ फैगौ 4 फेब्रुवारीयाव आसामआव दावबायफैना 11 रोजा कौटि रानि गुबुन गुबुन जौगासाल बिथांखिफोर बेखेवगोन आरु अन्थाइ खाम्फा गायसनफैगोन। बिथानि बे दावबायफैनाया राज्ज्योनि गोथार दावबायारि थावनिफोरखौ मुलुगनां थाखोनि खाबुगोनां खालामनायनि आयदाफारि लानानै फेदों। गाहाइ मन्थिनि अन्थाइ खाम्फा गायसनो गोनां बिथांखिफोरनि गेजेराव मोनसेया जादों कामाखा मन्दिार हाबग्रा करिडर लुनाय। बे बिथांखिआ सा-सान्जा ओन्सोलनि थाखाय गाहाइ मन्थिनि जौगासां



हबाफारिजों सरजाबनाय जादों। बेनि गेजेरजों बिमा कामाखा थानसालियाव दावबायफैनाय दावबायारिफोरनो मुलुगनां थाखोनि बायदिसिना खाबुफोर होनो हानाय जागोन। बेजों लोगोसे गाहाइ मन्थि मदिआ 3400 कौटि रानिबो बांसिन बेसेननि गोबांधार लामा फोजांखौ होनाय बिथांखिफोरनि अन्थाइ खाम्फा गायसनगोन। बेनि गेजेरजों खोला एसिया साव-रिजिअनेल इकन'मिक

गोदान दिल्ली, 2 फेब्रुवारी: गाहाइ मन्थि नरेन्द्र मदिआ दिने शक्रुबारखालि इन्डिया मबिलि रलबेल एक्सप' 2024 खौ बेखेवनानै बुडोदि, फैगौ 2047 माइथायसिमाव हादतखौ दरसे जौगासार भारत दानायनि गावनि गोजाम थांखिखौ फिन खेबसेबाव सुबुंफोरनो फोरमार्थिनानै होयो। गाहाइ मन्थिआ बुंदोंदि, आथिखालनि भारतआ 2047 माइथायसिमाव दरसे 'जौगासार भारत' जानो थाखाय आवगायलांगसिनो आरु बे थांखिखौ मोनफुंहेनायाव खरथाय सेक्टरआ गाहायै मैखोम बिफाव लानो थांगासिनो दड। गाहाइ मन्थि मदिआ बुंदोंदि, 'बिथांडा लालकिलानि खरनिफ्राय मोनसे थि समनि गेजेरावनो बुंदोंमोन होनानै



फोरमायो। बे बाथाफोरखौ बिथांडा हादतनि सुबुंफोरनि सान्नाय-मावनाय गोहोखौ नोजोर होनानै फोरमायदोंमोन। आथिखाल भारतनि रांखाथिआ गोखेनो जौगासासिनो दड आरु जोंनि सरकारनि थामथि मावबुब्लि समाव भारतआ बुहुमनि थामथि बयनिखुडुबो देरसिन रांखाथि गोहो जानो थांगासिनो दड। जोंनि सरकारनि नाजानायाव थानाय 10 बोसोरव 25 कौटिसो सुबुंफोर निखावरि थाखोनिफ्राय उदां जानो हादों। आथिखालनि भारतआ इयुननि बिथांखिफोरखौ नोजोर बेनानै गोदान-गोदान बिथांखिफोर बानायगासिनो दड आरु बेयाव हान्था-मेला सेक्टरनि थाखाय थारैनो मोनसे जुनिआ बिफाव (□ 5 बिलाइआव)

एनआइएआ एलटिटिइनि हैथायै गोखों सिग्रोमदों

चेन्नाइ, 2 फेब्रुवारी: नेसेनेल इन्वेस्टिगेशन एजेन्सि सुंदये एनआइएआ शुकुबारखालि एलटिटिइ उतरखारि हान्जाया गोदानै गोखों जाफिननो नागिरनाय खोरखौ मिथिनो मोनानै तामिलनाडुनि एनटिके पार्तिनि माखासे बिबानगिरिफोरनि थाया खुलियाव सिग्रोमो। सुलुनिफ्राय मिथिनो मोननाय बायदिब्बा, (□ 5 बिलाइआव)

एनसिसिआ लाइमोनफोरनि आखल- आखु दानायनि मोनसे गेदेर प्लेटफर्म

दिसपुर, 2 फेब्रुवारी: गिबि मन्थि उतखारि हिमन्त बिश्व शर्माआ नेसेनेल केडेट क्रुप्स सुंदये एनसिसिआ लाइमोनफोरनि आखल-आखु दानायनि मोनसे गिदि प्लेटफर्म होनानै बुंधिदों। मख'नो गोनांदि, 75थ रिपब्लिक डेआव लकसभा (□ 5 बिलाइआव)



राहुल गान्धीनि बडि डाबल आयदाखौ बेखेवनानै होनाय जागोन: गिबि मन्थि

गुवाहाटी, 2 फेब्रुवारी: बावैसो सिगां भारत जड न्याय यात्रानि समाव सोमजिनाय जाथायखौ लानानै आसामआव राहुल गान्धीनि हैथायै मोननै केस रुजुनाय जादों। बेनिनो मोनसेखौ जरहात आरु गुबुन मोनसेखौ गुवाहाटीयाव यात्रानि हैथायै केस थिसननाय जायो। गुवाहाटीनि केस थिसननायखौ SIT नो (□ 5 बिलाइआव)



खोला भारतनि सावथुन मुलुगनि मुंदांखा फावखुगुर बिजयआ राजखान्थियाव आगान होबाय

गोदान दिल्ली, 2 जानुवारी: खोला भारत सावथुन मुलुगनि मुंदांखा फावखुगुर थालापाथि बिजयआ दिने सिगाडाव फोसावनाय बायदिदिये राजखान्थिआव आगान होबाय। मुंदांखा फावखुगुरआ दिने गोदान दोलो 'तामिलगाम भेत्ति काङ्गाम' दाफुंनो फोसावनानै होयो। थार, हरिबाद उदां आरु गोना-खान्थि गैयै खुंथायजों 'गुदि राजखान्थि सोलायनाय'नि खोथा होनानै राजखान्थियारि केरियारखौ जागायजेनो बिजयआ सिगांबोदों। मख'नो गोनांदि, थानाय सप्ताहआव चेन्नाइआव खुंनाय मोनसे जथुमाव फावखुगुरनि फेन क्लाव 'बिजय मक्कल इयाक्का' अ राजखान्थियारि दोलो दाफुंनो थाखाय थांखि होदोंमोन। दिने बिजयआ गांसे (□ 5 बिलाइआव)



इन्डिया जुथाय हान्जानि अलखद, कंग्रेसआ 40 मासिबो देरहानाय नडा: ममता

गोदान दिल्ली, 2 फेब्रुवारी: भारत जड न्याय यात्राया सोनाब बंग'याव हाबहेनायनि उनावनो यात्राखौ दैदेन्याय कंग्रेस दैदेनगिरि राहुल गान्धीआ सोनाब बंग'याव गिबि मन्थि ममता बेनार्जी दैदेन्याय टिएमसिआ मासि रनलायनायनि सायाव सावरायनाय जागोन होनानै बुंदोंमोन। राहुलनि बे बिबुंधिखौ लानानै मोमताआ गोखों फिनजाथाय होदों। ममतानि बादिदिये सोनाब बंग'नि मोनसेबो बियाब कंग्रेसनो हगारानै होनायाव गैया। मुस्लिमा बेनार्जीआ बुंदोंदि, मोनसे समाव कंग्रेसआ 300 मासि देरहाबोनाय बे दोलोआ 40 मासिखौनो देरहानो हानाय नडा। जुथाय हान्जा



इन्डियानि सोद्रोमा दोलो जानानैबो कंग्रेसनो बंग'नि मोनसेबो मासि हगारनो राजि जाथेनि

उनावबो ममताआ जुथाय हान्जानिफ्राय ओंखाराखै होनानै रोखा खालामनो नाजानायखौ नुनो मोननाय जादों। फारसेथिं, बिजेपिखौ होबथानो कंग्रेसआ कमिडनिस्ट हान्जाजों आखाइ हमलायनायखौ टिएमसिआ गनायनो गोब्राब मोन्दों। बेखायनो कंग्रेसनि बेरेखा गसंनानैनु जुथाय इन्डिया हान्जायाव थानायनिबो बाथा बुंदों बंग'नि गिबि मन्थि आरु टिएमसिनि आफादगिरि ममता बेनार्जीआ। कंग्रेसजों मासि रनलायनायनि गोरोबथायाव फैनो हाथेनि थाखायनो टिएमसिआ फैगौ लकसभा बिसायख'थियाव हारसिडेनो बंग'नि गासैबो बियाबआव बादायनो थांखि फोसावदों।□

फैगौ 12 फेब्रुवारीयाव आसाम सरकारआ 2024-25 रांखाथि बोसोरनि बाजेट थिसनगोन

गुवाहाटी, 2 फेब्रुवारी: सरकारि सुलुडव फोसावनाय बादिदिये फैगौ 12 फेब्रुवारी अक्टयाव राज्ज्यो सरकारआ 2024-25 रांखाथि बोसोरनि थाखाय राज्ज्योनि बाजेट थिसनगोन। आसाम आइन आफादआ 5 फेब्रुवारीखालि फुंबिलि 9:30 रिगायाव एसेमब्लि जथुम हांखायनानै मोनसे बिथोनलाइजों बे थांखिखौ फोसावदों। मख'नो गोनांदि, आसामनि गिबि मन्थि उतखारि हिमन्त बिश्व शर्मानि खुंथाय सामलायनाय समनि बेयो त्रैथि बाजेट जथुम जागोन। बेराफारसे, राज्ज्योनि रांखाथि मन्थि अजन्ता नेउगा खुंजानो गोनां बे रांखाथियारि बाजेटखौ मोगथां महर मोनो हागोन होनानै मिजिथिनाय फोरमायदों। थानाय बोसोरव रांखाथि मन्थि मसिमा नेउगा 3.21 लाख कौटि रानि बाजेट थिसनदोंमोन। मख'नो गोनांदि, आसाम केबिनेटआ थानाय बोसोरनि 16 नभेखराव 2024-25 रांखाथि बोसोरनि थाखाय राज्ज्योनि रांखाथि बाजेट थिसनो थाखाय 5 फेब्रुवारीनिफ्राय आथिखाल बिधान सभानि बाजेट जथुम खुंनो फोसावदोंमोन।□

बिजाथि आरु बियाबखौ लानानै कंग्रेसयाव बाखुंखा बारनो हागौ

गुवाहाटी, 2 फेब्रुवारी: फैगौ लकसभा बिसायख'थिखौ लानानै कंग्रेसनि गेजेराव गावजों-गावनो बिजाथि आरु बियाबनि थाखाय नुजाथिनाय थासारिया दासान्दि राज्ज्योनि थोरों बिजों आव सावरायजानायखौ नुनो मोननाय जादों। गुबैयै नगावनि एमपि प्रद्युत बरदलैनि सोलायै



कलियाबरनि एमपि गोरब गौनो बिजाथि होनो थाखाय कंग्रेसनि गोबांधार एमएलएफोय गसंथादों होनानै मिबन्थि मोननाय जादों। नगाव लकसभानि थाखाय बेरेखा दोलोनि लेडइ दैदेनगिरि एबा सामगुरिनि एमएलए रकिबुल हुसेइनआबो आर'ज गथायदों होनानै मिबन्थिनाय (□ 5 बिलाइआव)

3 आरु 4 फेब्रुवारीआव बासुगाव नोगोर आइजो आफादआ स'नाथि माइथाय फालिगोन

बासुगाव, 2 फेब्रुवारी: बासुगाव नोगोर आइजो आफादनि स'नाथि माइथाय फालिथायखौ गाबोन एबा 3 आरु 4 फेब्रुवारीआव साननैनि हाबाफारिजों फालिनो थाक-थियारि जादों। आइजो आफादनि स'नाथि माइथाय फालिथायजों (□ 5 बिलाइआव)

कदैंगुरि श्रीश्री बांशिगपाल महाप्रभुनि 237 थि नाम न' गायसन्थाय सान फालिदों

भबानिपुर, 2 फेब्रुवारी: भबानिपुरनि खाथियाव थानाय कदैंगुरि गामिनि जारिमिनारि श्रीश्री बांशिगपाल महाप्रभुनि 237 थि नाम न' गायसन्थाय सानखौ दिने सानसेनि मेहेर गोनां धोरामारि हाबाफारिजों फालियो। कदैंगुरिनि श्रीमन्त शंकरदेव मिरुआव खुंनाय श्रीश्री बांशिगपाल महाप्रभुनि 237 थि नाम न' गायसन्थाय साननि हाबाफारि बादिदिये फुंबिलियाव



खुगा मेथाइ रोजाबगिरि रन्जित तालुकदानि सामब्लायनायाव नाम न'नि भक्तफोरा फुंनि आर'जजों सानसेनि हाबाफारिखौ बेखेवजेनाय जायो। बेनि उनाव (□ 5 बिलाइआव)

सुजुगिरिनि खोलोम



जौ-जूवाया समाजखौ बैंगुरा खालामो

मिबथिस्ताबै समाव बाइदिसिना जाहोन आरो फोबॉनि समफ्राव लोगो लोब्वानि गेजेरजों रंजानाय-बाजानाय आरो दिखार दाहानि समफ्राव फेग्रा मुवा जानाय, लॉनायनि हुदाया लाइमोन फोलेरखौल' खैफोदनि बांग्रि ख'बाव खोख्लैयारखै-समाजनि गासै थाखोयावनो अलखद लाबोदों। आधिकालाव फेग्रा मुवा बाहायनाया जेरै बांबोदों बिबिदो बेनि ज'गायनायाबो सानफा एफा एरलाबबोदों।

जौखौ गात्रिनि अनगायै रावबो मोजां बुडा, बुंबोयाखै। जायखौ जौसाय होनानै बुडे बे जौसायाबो जौखौ मोजां होनानै बुडा-बुंगोनसो गोसा, गोखै, सायनाय, गोले, गोरा, नोरोम खामनाय बाइदि बाइदि। नाथाय जौखौ गात्रि होनानै बुंग्रा मानसि नागिरनाय मोन्नाय नडा जायफ्रा जौखौ लोंफेराखै। बेजों गोरुबनाय गौतम बुद्ध बोसोन होनाय-नोंनि गथ'नो आं जिउ होफिन्नो हागौ, होफिनगोन, नाथाय नों बै गामिनि नख'रफ्राव सोहै, बेनिफ्राय खिन्थाफै बबे नख'राव सासेबो मानसि थैयाखै। -गथ' थैजानाय बिमाया सासेबो मानसि थैफेरै न'खर नाइगिरनाय मोनाखै। बेनि ओंथिया बेनो मानसिया बेराम-आजार जानानै, बोरायनाय थैखायो-बेयो अराय सैथो। नाथाय रायखानांगौया बेसोदि-लोमजानाय, बेराम-आजार सोखानो दिहुनाय मुलिफ्राव एलक'हल थाफायो। थानानै थासान्दियाव लोमजाफेरै मानसि नागिरनाय मोनांगौया गोब्रा। बे बिथिडेमानसिनि देहायाव एलक'हल मुवाया हाबफाखायो।

बेराफासै जौखौ बर' हारिमुनि एंगारथावयै बाहागो होनानै सान्नाय जायो। बोथोरनि बैसागु दमासि फोबौया दंखायो, थाबाय थागोन बर' हारिया जेसे गोबाव जोरगोन। बेनि अनगायैबो हाबा-खेराय जेरावबो जौ बाहायनाय जायो। नाथाय जेनाया नुजादों गोबांद्राय बाहायनायनि जिबाउनावसो, जानाय लॉनायनि थाखो आरो पर्दा गैयैयावसो। बोथोर बादलि, फोबौफ्राव फेग्रा-मुवा बाहायनाय आरो जगायनाय फासै समाजनि गोरों गोरों, राइजो-राजाफ्रानो होबथानाय आरो थि बाहायनायनि राहा लानांसिगौ इयुन जोलैसाफोरनि गोगो इयुननि थाखाय।

दिनैनि फान्जामुधि

राशि बाइदियै मुंनि गिबि हांखो
मेष : अल वृष : ऊब (उ ए इ) मिथुन : क छ (ड घ)
कर्कट : ड ह सिंह : म ट कन्या : प ट (ण ष)
तुला : त र बृश्चिक : ब न धनु : ध भ (ढ फ)
मकर : ख ज कुम्भ : ग श (स) मीन : द च (ख ञ झ)

- मेष :** मावनाय-दंनाय जेरावबो धैज्य गैयै जालानो हागौ। गोसो हमथानानै सोलिनांगोन।
- वृष :** बायदिसिना खर'सानि थाखाय रं बाहायनांनो हागौ। आखायाव थानाय रंआ जोबखानो हागौ।
- मिथुन :** सरकारनि साखि मावनायाव जौगानायखौ मोन्नो हागोन। गोजोन्नाय मोनगोन।
- कर्कट :** मानिबा दायआव सन्देह खालाम जानो हागौ। जैरेबो सांग्रा जानानै थानांगोन।
- सिंह :** जेखि जाया शुभ खामानि मावनानै लानो हागोन। सान्नाय-हनाया जाफुंगोन। मोजां सान।
- कन्या :** गुबुनफोरजों मुगै जानाय जानो हागौ। गात्रि खामानियाव आगान होनो नाडा।
- तुला :** सोरजोंबाफोर हिंसा-हिंसि जालायनो हागौ। जेखियानो जाया गोसोखौ हमथा।
- बृश्चिक :** सोरबा सिनायनाय सुबुंजों गोदै सोमोन्दोयै थानो हागोन। फारफोमथिबो मोजां।
- धनु :** जिउआव जेबो सान्नायफोर जाफुंनय नडा। गोसोखौ बायफलेहोनो नाडा।
- मकर :** गोसोआव मानिबा दुखु सैनानो हागौ। दुखुजोंनो समखौ हगार हरनांगोन। गोसोखौ हमथा।
- कुम्भ :** माबा मोनसे मोजां खौरं खोनानो मोन्नो हागौ। गोजोन्नाय मोनगोन।
- मीन :** बेफार फालांगि मावनायाव रं खावदि मुलाम्फा मोन्नो हागोन। बे राशिनि थाखाय गाहाम सान।

हेमन्त सरेनखौ कर्टआ इडिनो 5 साननि रिमान्डआव हरबाय

गोदान दिल्ली, 2 फेब्रुवारी : हेमन्त सरेननि केसआव मोनसे गिदिर खौरं सोरडाव फेदों। बे केसआ पिएमएलए कर्टआ गावनि थांखिखौ खोनासंहोयो। थांखियाव इडिनो कर्टआव 5 साननि रिमान्ड होयो। खौरनि बायदिव्ला, इडिआ कर्टनिफ्राय 10 साननि रिमान्ड दाबि दैखांदोंमोन, नाथाय कर्टआ 5 साननि रिमान्डखौ गनायथि होयो। हेमन्त सरेननि उकिलआ बारा' गिबि मन्थि सरेनखौ जाय हटवार जोबथेसालियाव दोन्दोंमोन, बेयावनो बिखौ दोनफिन्नो खावलायदों। मख'जाथावदि, उकिलआ कर्टआव बुंबावोदि, बै जोबथेसालिया रैखाथिनि बिथिडाव रैखाथि गोनां। बेनिखायनो इडिया जोबथेसालियावनो 5 सान जेरा सेबगोन। कर्टआ फारसैबो



हान्जानि बाथ्राफोरखौ खोनासंनयनि उनाव 5 साननि थाखाय इडिनो कास्टाडीखौ होयो। रैखाथिखौ नोजोर होनानै कर्टआ बुंबावोदि, इडिया हेमन्तनियाव जोबथेसालिआवबो जेरा सेबाव्ला आरो बिखौ गुबुन जायगायाव लाडेव्ला रैखाथिखौ आबुं नोजोर लाखिनांगोन। अदेबानि इडिया जोबथेसालियावनो जेरा सेबनो गनायथिदों। मख'जाथावदि, झारखान्ड मुक्सि मर्चा (झामुम) नि एमएलए दोलोनि दैदेनगिरि चम्पइ सरेनआ झारखान्डनि गिबि मन्थि बिबाननि समायखिरा लायो। राइज्यो बेंगिरि सि.पि राधाकृष्णनआ बिथांखौ राजभवनआव समायखिरा लाहोयो। सरेननि अनगायै कं ग्रे सनि गागि दैदेनगिरि आलमगीर आलम आरो राजदनि दैदेनगिरि सत्यानन्द भक्तयावो राइज्योनि मन्थि महरै समायखिला लायो।

बाजेटनि उनाव शेयार बाजारजों लोगोसे रंआवबो बांदों



गोदान दिल्ली, 2 फेब्रुवारी : डलारनि रुजुनायाव थानाय शुकुरारखालि रंआव फालांगि बिथिडाव बांनयखौ नुनो मोनासासिनो दड। दिदें रंआ 16 फेसा रिक्कार खालामनानै जागायजेन्नाय फालांगियाव 83.82 आव ट्रेड खालामगासिनो दड। भारतयारि राइव बांनयनि जाहोनाव शेयार बाजारवा बांनयखौ गनायना लानाय जादों। थानाय सानाव संसदआव मिरुआरि रंआव मन्थि निर्मला सितारमनआ बाजेट दिन्थिदोंमोन। खौरं एजेन्सि पिटिआइनि रिपर्टआव फोरमायनाय बायदिव्ला, फरेक्स ट्रेडर्सआ बुंदोंदि, इन्टारिम बाजेटनि शेयार बाजारवा पजिटिभ गोहोम गोर्लैदों। मानोना बेयो रंआव बोसोर 2015 नि

थाखाय काजना दावखलायनायजों लोगोसे नख'रारि दिहुन्थाइखौ 5.1 जौखोन्दोसिम खम खालामनयनि सायाव गोहोम खोख्लैदों। बेनि अनगायै गुबुन हादतयारि बाजारआव आमेरिकानि रंआवनि लोरबां जानायजोंबो राइव गोर्लै जादों। इन्टारबेक फरेन एक्सेन्सि बायदिव्ला डलारनि रुजुनायाव राइ दिदें 82.91 आव खुलिदों आरो बेनि उनाव 82.82 नि थाखोखौ मोनहैदों। बेयो थानाय समनि बन्द' जानायनि रुजुनायाव 16 फेसा बांनयखौ दिन्थियो। थानाय वृहस्पतिवारखालि आमेरिका डलारनि रुजुनायाव राइ 6 फेसा बांनानै 82.98 आव बन्द' जायो। रंआव मन्थि निर्मला

चितारमनआ थानाय वृहस्पतिवारखालि साबसांनय इन्टारिम बाजेटआव दावखलायनायखौ खम खालामनानै मुलुगयारि रंआव जौगाखानि बिबांखौ लाखिबाय थानो थाखाय फेगौ रंआव बोसोरनि थाखाय टेक्सआव 11 जौखोन्दो बांनोदों। मुलुगनि देरसिनि कार्निस्नि रुजुनायाव आमेरिकानि रंआवनि गोर्लैडें फोरमायग्रा डलार इन्डेक्सआ 0.03 जौखोन्दो दावखलायनायजों लोगोसे 103.01 आव बन्द' जादों। बेजों लोगोसे दिदें गोथां थावआव बांफिन्नायखौबो नुनो मोनगासिनो दड आरो बेयो 0.48 जौखोन्दो बांनयजों लोगोसे मोनफ्रोम बेरलआव 79.08 डलार जादों। दिदें शेयार मार्केटआव गोर्लैयै बांनयखौ नुनो मोन्दें। बिएसइ सेन्सेक्सआ 706.5 एवा 0.99 जौखोन्दो बांनानै 72,351.90 अन्जिमायाव फालांगि खालामगासिनो दडमोन। एनएसइ निन्पीआ 22.65 अन्जिमा एवा 1.04 जौखोन्दो बांनानै 21,924.10 अन्जिमायाव सौहेनो हादों।

बेंखनआव लांनय सुबुंफोरखौ हगारनायनि सायाव हामासआ थि थांखि लायाखै

गोदान दिल्ली, 2 फेब्रुवारी : इज्राइल आरो हामासनि गेजेरव बेंखनआव लांनय सुबुंफोरखौ हगारनायनि थाखाय सावरायनाया सोलिगासिनो दड। बे सावरायनायाव कातार मिश्र आरो आमेरिकायावो दंफायो। बावैसो सिगां कातारआ फोसावदोंमोनदि, हामासआ गावसोर बेंखनआव लांनय सुबुंफोरखौ हगारनायनि रदायनि थाखाय सर्थ लाखिदों। नाथाय लेबानननि मोनसे मिडिया हाउसआ सुलुनि गथायनाय खौरंखौ लानानै बुंदोंदि, हामासआ बे रदायनि सायाव जेबो थांखि लायाखै। इज्राइलनि मिडियाआबो लेबानान मिडियानि बे खौरंफोरखौ रिपर्ट होदों। लेबानान मिडियानि रिपर्ट बायदिव्ला कातारनि फारसेनिफ्राय फिन्नायखौ हाखु-दाखु आरो गोरोंथियै होदों। हामासआ दासिमबो गावनि नाथय फोसावनायाव जोबथा थांखि लायाखै। जेब्ला गासैबो थियारिया जागोन अब्लासो हामासआ रदायनि सायाव गावनि फिन्नायखौ होगोन। नाथाय बे समाव जेबो रोखोमनि थि थांखि लानाय जायाखै आरो रदायबो खालामनाय जायाखै। इज्राइल सरकारा बेखा दोलोनि नारसिन्नायनिफ्राय रैखा मोन्नो थाखाय गोसो जानानै बेबायदि



आनसारिया बावैसो सिगाडाव मोनसे फिन्नायाव बुंदोंमोनदि, इज्राइलनिफ्राय रदायनि गनायथि मोनबाय आरो हामासनि फारसेनिफ्रायबो मोजां खौरं रोखायै मोन्नाय जादोंमोन। अदेबानि बेफोर खौराडा आथिखालाव नंखाय जानानै फेदों। हामासनि सासे बिबानगिरि असामा हमदाननि बुंनयखौ लानानै मिडिया रिपर्टआव मिबथिहोदोंदि, हामासआ दासिमबो गावनि नाथय फोसावनायाव जोबथा थांखि लायाखै। जेब्ला गासैबो थियारिया जागोन अब्लासो हामासआ रदायनि सायाव गावनि फिन्नायखौ होगोन। नाथाय बे समाव जेबो रोखोमनि थि थांखि लानाय जायाखै आरो रदायबो खालामनाय जायाखै। इज्राइल सरकारा बेखा दोलोनि नारसिन्नायनिफ्राय रैखा मोन्नो थाखाय गोसो जानानै बेबायदि

सरकारा गोदान बाजेटआव मोन 3 रेल करिडर फोसावदों

गोदान दिल्ली, 2 फेब्रुवारी : रंआव मन्थि निर्मला सितारमनआ वृहस्पतिवाराव गोदान बाजेटखौ फोसावयो। बे समाव बिथाड रेलवेनि मोन 3 गोदान करिडर बानायनोबो फोसावो। बेजों हादतआव फोनांजाव राहायाव गिदिर सोलायनाय फेगोन आरो सरसन्सा सुबुंफोरनि थाखायबो रेलजों दावबायनाया सिगांनिखुइ सुबिधा गोनांसिन जागोन। रंआव मन्थि मन्थि बाजेट फोसावनायाव बुंदोंदि, सरकारा मोन 3 गिदिर इक्न'मिक रेलवे करिडर इनार्जी, मिनारेल आरो सिमेन्ट करिडर, पर्टकानेक्टिफिट करिडर आरो हाइ ट्रेफिक करिडर बानायगोन। बेखौ बानायनायनि थाखाय पिएम गति शक्तिनि मदत लानाय जागोन। बिथाड बुंबावोदि, बेफोर करिडरआ बानायजायोब्ला हादतआव



माल्टी-मडेल कानेक्टिफिटिया बांगोन। लोगोसेनो लजिस्टिकखौ बेसेन खमाव बानायनो आरो खम रंआवनायाव बाहायनायखौ खम खालामनायाव मदत मोनगोन। मोन 3 करिडरफोरनि गेजेराव सरसन्सा सुबुंफोर बांसिनै हाइ ट्रेफिक करिडरनिफ्राय मुलाम्फाखौ मोनगोन। हाइ ट्रेफिक करिडरनि मदतजों रेलवेनि थाखाय पेसेन्जार ट्रेनफोरखौ हगारनायाव गोरलै

एलएसियाव जेना गोनां थासारिखौ गाहामै सुस्त्रांनो हायो



गोदान दिल्ली, 2 फेब्रुवारी : सान्जा लाहाखआव थानाय एलएसिनि खाथियाव। भारतयारि मोसौ-मैसो गुमग्रा आरो चीननि सान्थिफोरनि गेजेराव सौग्रावलायनायनि थासारि सोमजिनयनि सायाव थानाय वृहस्पतिवारखालि गुबुन हादतयारि बिफाना बुडोदि, मोन्नेबो बाहागोया सिमना ओन्सोलफोरव सिगांनिफ्राय सोलिबोनाय नेम-खान्थिफोरखौ मिबथिगो आरो सौग्रावलायनायनि थासारियाव थाखानाय खान्थिफोरनि गेजेरजों जेनाखौ सुस्त्रांनय जायो। बे खौरंखौ गुबुन हादतयारि बिफाननि बुंथिगिरि रणधिर जयसवालआ खौरंगिरिफोरजों सावरायनाय समाव सौनायनि फिन्नायाव होदों। थानाय

दानआव सान्जा लाहाखआव चीननि सान्थिफोर भारतयारि मोसौ गुमग्राफोरखौ होबथादोंमोन। बे जाथायनि भिडिअखौ इन्टारनेट मिडियाआव फोसावदोंमोन। बे समाव बावैसो समनि गेजेराव काबुलआव तालिबाननि गेजेरजों खुंनय ओन्सोलारि जथुमायाव बाहागो लानायनि सोमोन्दैयै सौथि सौनायाव बिथाड बुंदोंदि, बेखौ भारतनि आफगान सुबुंफोरजों लोगोसे गोलाव समनिफ्राय सोलिबोबाय थानाय लोगो बायदियै नोजोर होनांगौ। जों आफगानिस्तानआव ओन्सोलारि आरो हारिमायारि थाखोयाव गुबुन गुबुन थाखोनि माखासे जथुमाफोरव बाहागो लाबाय थायो। बे समाव बिथाड मालद्विपनि राजखान्थियायि

ब्रिटेनआ फिलिस्ताइनखौ आलादा हादत महरै गनायथि होगोन

इज्राइल-हामास, 2 फेब्रुवारी : इज्राइल आरो हामासनि लान्थियै सोलिनाय दावहानि उनाव औरैबायदि मोन्दोंदि, आथिखालाव आमेरिका आरो ब्रिटेनआ इज्राइलखौ मदत होनायखौ नागारसिगोन। खौरनि बायदिव्ला इज्राइलजों लोगोसे गोजोन रदाय खानायनि सिगां ब्रिटेनआ फिलिस्ताइनखौ हादत महरै गनायथि होनो हागौ। बेनि सिगां आमेरिकायावो मोनसे औरैबायदि बिथोन होदों, जायजों इज्राइलआ बागदावखांनो हमदों। आमेरिकानि हादतगिरि ज' बाइडेनआ गाजानि वेस्ट बेंकआव हिंसायारि जाथाय गोसारनायनि सायाव इहुदिफोरनि हेंथायै एक्सन लानो बिथोन होयो। मख'नो गोनांदि, इज्राइलआ दरसे इहुदि हादत। आमेरिकाया इहुदिफोरनि हेंथायै एक्सन लानायनि जाहोना बेनोदि, बिसेर ओन्सोलाव गोजोन आरो दिदोमथिखौ लुबैयो। बे थांखिया इज्राइलनि गाजायाव गोसारहोनाय हाबाफारिनि उल्था। खौरनि बायदिव्ला ब्रिटेननि सासे जौसिन थाखोनि राजथान्दैया बुंदों, बिसेरनि हादतया गाजायाव दावहा दोन्थ'नायनि उनाव फिलिस्ताइनखौ मावख'यारि महरै दरसे हादत



महरै गनायथि होनो हागौ। बवेखानि ब्रिटेनआ बे बाथ्राखौ नेनाय नडादि, इज्राइल आरो फिलिस्ताइननि गेजेराव हादतनि जेनाखौ सुस्त्रांनयनि फारसे माखासे बोसोरनिफ्राय सोलिबोबाय थानाय सावरायनायनि फिथाइया मा जागोन? गुबुन हादतयारि मन्थि डेभिड केमेरनआ ओन्सोलारि जेनाखौ खम खालामनायनि थांखिजों वृहस्पतिवारखालि लेपनान दावबायदों। बे समाव मिडिया एजेन्सि एपिजों सावरायनायाव फोरमायदोंदि, जेब्लासिम गाजायाव हामासनि कन्ट्रल थागोन अब्लासिम गनायथि होनायनि फारसे जेबो खामानि जानाय नडा। नाथाय इज्राइलनि फिलिस्ताइन दैदेनगिरिफोरजों लोगोसे सावरायनाया सोलिबोय थानाय बियो जानो हागौ। बिथाड बुंदों, जों फिलिस्ताइननि सुबुंफोरनो साबसिन इयुन होनो थाखाय नाजानांगोन। बे ओन्सोलाव

नितिश कुमारनि उनाव आथिखालाव ममता बेनार्जीयाबो इन्डिया जुथाइ दोलोखौ नागारनो हासिगौ

कलकाता, 2 फेब्रुवारी : कंग्रेसनि भारत जड न्याय यात्राया आथिखालाव बंगलजो जानानै थांगासिनो दड। कंग्रेस दैदेनगिरि राहुल गान्धीनि दैदेन्यायाव ओंखानाय बे दावबायनाया थांनाय सानाव सिपिआइ (एम) आबो बाहगो लादो। सिपिआइ (एम) नि सोनाब बंग' नेहाथारि महम्मद सलीमआ बे दावबायनायाव बाहगो लानानै बिजेपिनि सायाव हादतखौ बोखावनायनि दाय जाबसिन्दो। बिथाड बुंदो, हादतआ बिजिसनाय आरो बिजिरैनि गेजेराव बोखावजाबाय। बेजो लोगोसे बिथाड टिएमसिआ बेरेखा दोलो इन्डिया जुथाइ दोलोखौ नागारसिगोन होन्ना दाबि दैखदो। मुश्रीं दाबाद जिल्लानि बहरामपुरआव सोलिनाय न्याय यात्रायाव बाहगो लानानै बिथाड बुंवावदो, जो बिजिरैनि हेंथायै बे



दावहायाव बाहगो लानो फेदो आरो सुबुफोरनो बिजिसनाय होगोन। कंग्रेसनि बे दावबायनायाव सिपिआइ मिरुआरि कमिटिनि सोदोमा सुजन चक्रवर्ती आरो पार्टीनि गुबुन दैदेनगिरिफोरबो बाहगो लादो। महम्मद सलीमआ आसाम आरो सोनाब बंग'आव न्याय यात्रा थांनाय समाव सोमजिनाय जेंना एबा हेंथाफोरखौ सोंखारिनानै

ममता बेनार्जीआ ट्रेनिफ्राय ओंखारनो लुबैबाय आरो जो वेखौ बरायो। तुणमुल कंग्रेस सुप्रिम ममता बेनार्जीआ कंग्रेसनि सायाव गाग्लोबनो थाखाय सिपिआइनि नामखौ बाहायगासिनो दड। बे समाव सलीमआ बुंवावदो, कंग्रेसआ मोनसे जोबोद गिदिर पार्टी आरो सिपिआइआ मोनसे फिसा पार्टी। नाथाय अब्लाबो सिपिआइआ वेखौ कन्ट्रल खालामगासिनो दड होन्ना ममताया बुंगासिनो दड। सुलुनि बायदिब्ला, ममताया बावैसो सिगां दाबि दैखादोमोनदि, सिपिआइया बेरेखा दोलोनि एजेन्द्राखौ कन्ट्रल खालामनो नाजागासिनो दड आरो टिएमसिया सोनाब बंग'आव बिजेपिनि हेंथायै हासिडै दावहा नांगोन। आथिखालाव

मालद्वीपनिफ्राय भारतीय सान्धिफोरखौ बोखांना लाबोनायनि सायाव सावरायदो

गोदान दिल्ली, 2 फेब्रुवारी: भारत आरो मालद्वीपनि गेजेराव सोलिबाय थांनाय थान्दैयारि जेंनाखौ फोजेबनायनि थाखाय दरनैबो हादरआ नाजागासिनो। सुलुनि बादिब्ला, मालद्वीपआव भारतयारि सान्धि मावफारियाफोर थान्दैयारि भारत आरो मालद्वीपनि गेजेराव गोदान दिल्लीआव नैथि कर गुपनि जथुम्मा जागोन। बेनि सिगां मालद्वीप आरो भारतनि गेजेराव गोजू थाखोन कर गुपनि गिबि जथुम्माया थांनाय 14 जानुवारिखालि मालेआव जानानै थांदोमोन। मालद्वीपनि गुबुन हादरयारि मावख'आ गिबि कर गुपनि जथुम्मा खुंनायनि उनाव बुंदोमोनदि, भारत आरो मालद्वीपआ भारतयारि सान्धि मावसुमाफोरखौ गोखैयै बोखांना लोबोनायाव गनायथिलायो। फिन्नायाव



गुनाय जादोदि, मालद्वीपनि गुबुन हादरयारि मावख'आव जानाय जथुम्मायाव फारनैबो हान्जाया आथिखालनि दरनै हादरयारि हेफाजाब होज्जुनायनायखौ नायसडो आरो जौगाखां हेफाजाबजो लोगोसे गावजो गावनि हितनि माखासे आयदाफोरनि सायाव सावरायो। गुबुन हादरयारि मावख'आ फोरमायदोदि, गोजू थाखोन कर गुपनि जथुम्माया सुबिधा गोनां सम बादिदयै फारनैबो हान्जानि गनायथिज्जलायनायाव खुंजागोन होन्ना

आरबिआइआ पेटिएम पेमेन्टस बैंक लिमिटेडनो गोखौ थांखि फोसावदो

गोदान दिल्ली, 2 फेब्रुवारी: भारतयारि रिजार्थ बैंकआ पेटिएम पेमेन्टस बैंक लिमिटेडखौ जायखि-जाया ग्राहक एकाउन्ट, प्रिपेड राहा, वालेट एबा फास्टेय बायदिआव 29 फेब्रुवारी, 2024 नि उनाव जमा एबा टप-आपखौ गनायथिनायखौ होबथाबाय। बिब्दिआव मोनसे गिदिर सोंथि सिखाडोदि, पेटिएम इउपिआइ बाहायग्राफोरबो बन्द जासिगोन नामा? अदेवानि पेटिएम बाहायगिरिफोर गिनांगो गैया। आरबिआइआ पेटिएम पेमेन्टस बैंकखौल' लानानै बे बिथोनखौ फोसावदो आरो बेनि गोहोमआ इउपिआइआव गोलैनाय नड। बेराफारस मोनसेबाव सोंथि सिखाडोदि, पेटिएम एप एबा वालेट पेटिएम पेमेन्टआ बैंकनि एकाउन्टजो लोब्बा गोनांब्बा बेयो मा जागोन? बेयावबो गिनांगो गैया, इउजारआ जेबो होबथायाव गैयाजासेनो जायखि-जाया समावनो गावनि वालेट एबा एकाउन्टनिफ्राय रं दिह्नुनो एबा ट्रेन्सफार खालामनो थाखाय एपखौ बाहायलांबाय थानो हागोन। मख'जाथावदि, पेटिएमनि शेयारआ बृहस्पतिबार आरो शुक्रवारखालि गासै 40 जौखोन्दो दावखलायदो। बेनि



शेयारआव दिने 20 जौखोन्दो दावक्लायो। आरबिआइआ पेटिएम पेमेन्टस बैंक लिमिटेडनो जायखि-जाया ग्राहक एकाउन्ट, प्रिपेड सिस्टेम, वालेट एबा फास्टेगआव 29 फेब्रुवारी, 2024 नि उनाव जमा एबा टपआप एक्सेप्ट खालामेनि थाखाय बुधवारखालि बिथोन होदोमोन। बेनिफ्रायनो कम्पानीनि शेयारआ लान्थियै दावक्लायदो। बिएसइआव शेयारआ 20 जौखोन्दो दावखलायनानै 487.05 रॉसिम सौफैयो। एनएसइआव 20 जौखोन्दो दावखलायनानै 487.20 राखव थायो। कम्पानीनि बाजार सेभिसआबो 30,931.59 कौटि रं दावखलायनानै 30,931.59 कौटिआव थायो।

रैखाथि हान्जाफोरा मुणिपुरनि गोजोन गैयै ओन्सोलफोराव सिग्रोमनाय हाबाफारि लादो

इम्फल, 2 फेब्रुवारी : मणिपुरआव मेइतेइ आरो कुकि फोलेरनि गेजेराव हिंसायारि जाथाया लान्थियै सोलिगासिनो दड। बे दावराव-दावसियाव दासिमाव माखासे सुबुफोरनि जिउ गोमानायनिबो खौरां मोननाय जादो। बेराफारसे मणिपुर पुलिसआ शुक्रवारखालि बुडोदि, रैखाथि हान्जाफोरा राइज्योनि



हाजोयारि आरो हायेननि जिल्लाफोरनि सांग्राथि गोनां ओन्सोलफोराव नागिरनाय हाबाफारि सालायनानै हाथियार बोखारनो हादो। मणिपुर पुलिसआ एक्सआव पस्ट खालामनानै रैखाथि हान्जानि गेजेराव हाजो आरो हायेन जिल्लाफोरनि सिमना आरो सांग्राथि गोनां ओन्सोलफोराव नागिरनाय हाबाफारि सालायनानै बेंखन्ना लानायनि खौरां होदो। बे अपारेसननि समाव गोबां हाथियारफोर बोखांनो हादो होन्ना। पुलिसआ मिबथिहोबावदो। पुलिसनि बायदिब्ला, रैखाथि हान्जाफोरा एनएच-37 आर एनएच-2 आव गोनांथि जानाय मुवा-बेसादफोरखौ लानानै थांग्रा गारिफोरनि थांलाय फैलायनि सायाव नोगोर लाखिदो। लोगोसे गासै सांग्राथि गोनां जायागाफोरबो गोखौ रैखाथिनि राहाबो खालामना होदो आरो गारि मथरखौ उदो आरो रैखाथियै थांलाय-फैलाय खालामनो थाखाय सांग्राथि गोनां ओन्सोलफोराव मोनसे रैखाथि गोनां गारि होदो। लोगोसे मणिपुरनि हाजो आरो हायेन मोनैबो जिल्लाफोराव गासै मोन 141 चेक पइन्ट लागायना होदो आरो पुलिसआ राइज्योनि गुबुन जिल्लाफोराव नेम-खाथि सिमफायनायनि दायव सा 250 सुबुफोरखौ जिम्मायाव लादो। मख'नो गोनदि, थांनाय बोसोराव मणिपुराव कुकि आरो मेइतेइ फोलेरनि गेजेराव हारियारि हिंसायारि जाथाया बै समाव जादोमोन, जेब्ला एसटिनि बिमुं होनो दाबि दिखानायनि हेंथायै कुकि आरो मेइतेइ फोलेरफोरनि गेजेरजो खुंनाय आदिबासि खौसेथि रेलि जादोमोन। बेजो इम्फल हायेनआव थांनाय मेतेइ आरो हाजोयारि जिल्लाफोराव नागा कुकिजो लोगोसे आदिबासिफोरनि गेजेराव जेंना सोमजियो। बेनि उननिफ्रायनो राइज्योआव लान्थियै हिंसायारि जाथायफोरखौ नुनो मोनबोगासिनो दड। सरकारि अन्जिमानि बायदिब्ला थांनाय बोसोरनि सेप्टेम्बरसिमाव बेयावनि हिंसायारि जाथायाव सा 175 सुबुफोर थैदोमोन।

बिसायख'थिनि सिगां सिगां बलुचिस्तानआव बमा आरो ग्रेनेड गाग्लोबनाया बांसिन जादो

बलुचिस्तान, 2 फेब्रुवारी: पाकिस्तानआव सरासन्धा बिसायख'थि खुंनो थियारि सोलिबाय थांनाय समावनो बेयावनि माखासे सहरफोराव बमा बेरफुनायनि खौरांफोरा सोराडव फेगासिनो। बेराफारस गोदान खौरांनि बादिब्ला, सरासन्धा बिसायख'थिनि सिगां बलुचिस्तानआव खेब 10 बमा आरो ग्रेनेडजो गाग्लोबनाय जाथाय जालांबाय, जेराव सासे सुबुनि जिउबो खहा जायो। सुलुनि बादिब्ला, सरासन्धा बिसायख'थिनि सिगां बलुचिस्तानआव गोबां बमा बेरफुनाय आरो गुलि गावनायजो लोगोसे गोबां रोखोमनि गाग्लोबनाय जाथाय जालांबाय। जेराव माखासे सुबुफोरा जोखोम



जानां नायजो लोगोसे संपतिबो खहा जादो। पुलिसनि बादिब्ला, जेराव सन्जाल रडआव बलुचिस्ताननि राजथावनि क्वेटाआव बमा बेरफुनायनि गोदान जाथाया सोराडव फेदो, जेराव सन्जाल रडआव पुलिसनि आउटपस्टनि साखाथियाव सासे सुबुनि जिउ गोमायो। पुलिसआ फोरमायदोदि, बैयाव जिउ गोमानाय सुबुखौ सिनायथिनो

No.37/Pt-III/2022-23/264 Date 01/02/2024

NOTICE INVITING TENDER

Short Quotation in plain paper affixing non-refundable court fee stamp of Rs. 8.25 (Rupees Eight and twenty-five paisa) only is hereby invited from the local and registered Suppliers/Dealers for supply of following items for the office of the undersigned. The quotation will be received by the undersigned up to 1:30 P.M. on 13th February, 2024 and will be opened on the same date & place at 2:15 P.M. in front of the bidder or their representatives who wish to attend the same.

Detailed Particulars may be seen in the office of the undersigned during office hours all working days.

1. 5 (five) days Workshop on Sculpture

Sl. No.	Name of Items/Particulars	Rate should be quoted
1	Tool Kit	12 groups
2	Wood & Colour	48 no
3	Packet Lunch	60 nos.
4	Tea & Snacks	60 nos.
5	Water Bottle	15 carton (half litre 24 bottle per box)
6	Honorarium for Expert	3 expert
7	Banner	2 nos.
8	Brochure	20 nos.
9	Certificate	50 nos.
10	Closing day program: Felicitation, refreshment of VIP guest	3 nos.
11	Tent House	5 days
12	Generator fuel	50 litre
13	Hire charge of vehicle (3 no) for transportation of students from local school & colleges for 5 days	5 days
14	Miscellaneous Expenditure	5 days

2. 1 (one) day educational tour to Mazbhat in Udalguri District

Sl. No.	Name of Items/Particulars	Rate should be quoted
1	Bus (40 capacity)	1 bus
2	Bolero	1 car
3	Lunch	60 person
4	Tea & Snacks	60 person
5	Water Bottle	15 carton (half litre 24 bottle per box)
6	Honorarium for Expert	2 person
7	Banner	2 banner
8	Medical Emergency	1 first aid kit
9	Miscellaneous Expenditure	1

3. One day Science Exhibition Connection in connection with National Science Day - 2024

Sl. No.	Name of Items/Particulars	Rate should be quoted
1	Prize/Trophy	4 Prize/Trophy
2	Resource Person	1 person
3	Packet Lunch	150 nos.
4	Tea & Snacks	150 nos.
5	Water Bottle	15 carton (half litre 24 bottle per box)
6	Honorarium for Jury/Judges	2 nos.
7	Banner	2 nos.
8	Brochure	41 nos.
9	Certificate	150 nos.
10	Felicitation, refreshment of VIP guest	5 nos.
11	Tent House	1 day
12	Generator fuel	50 litre
13	Hire charge of vehicle (15 no) for transportation of students from local school & colleges for 1 day	15 no
14	Photography & Videography	1 day
15	Miscellaneous Expenditure	1 day

TERMS & CONDITIONS:

- Date of receiving quotation 13/02/2024 (Up to 1:30 PM).
- Date of Opening quotation 13/02/2024 (2:15 PM).
- The undersigned reserves the right to accept/reject any quotation without assigning any reason thereof.
- If there will be a Holiday on the stipulated date the tenders will be received and opened on the next working days.
- Payment will be made subject to the availability of fund received from the BTC Secretariat under Specified Head of A/C's.
- AGST and all other taxed as per prevailing rates on the total bill value will be deducted from the bill.
- No tender papers will be issued to the contractors who have not been renewed their registrations up to date.
- Self-attested copies of GST Registration, Labor License Registration, Trade License Certificate, PAN Card & etc along with the quotations.
- All the prices quoted should be inclusive of all taxes/duties/GST/Service tax etc., if applicable.

Sd/-
C.H.D. cum District Museum Officer,
Museum & Archaeology, Kokrajhar

IPR(BTC)-2023-24/1287

रेलवे एड रादाव बिबुंसार
नं. 01/2024 (फेर मेडिकेल) अक्ट: 31-01-2024

फाहामथाय बिफान, सा-सान्जा सिमना रेलवेनि गाहाइ मावख' / इन्डिआव गोनाथि जानायनि थाखाय दानफोमबो कन्ट्रकसुएल बिथायाव आजिर मोननाय मावफारियाफोरखौ फिन थिसनिफिनो थाखाय वाल्क इन इन्टर्भिड लानाय जागोन।

रेलवे सिबिथाइयाव सावसि आरो मेलेरिया इन्सफेकर केडारिफ्राय आजिर मोननाय फेर मेडिकेल मावफारियाफोरखौ फिन थिसनिफिनो थाखाय गाहायाव मख'नाय लादो जानाय मासिफोरखौ आवुं खालामनो थांखि लानाय जादो।

मोगा-मोगि लानायनि अक्ट: 09-02-2024 (शुक्रवार) सम 10:00 रिगा

थावनि: जेनेरल मेनेजर (फि) / कन्फारेन्स हल / मालिगाव।

(नायनो गोनां: खुंथाइनि गोनांथि जानाय बायदि थावनिखौ सोलायनो हागौ।)

फा. नं.	थाखो	मासिनि अनजिमा
1	लेपेल-07 आव सावसि आरो मेलेरिया इन्सफेकर	04

आजिर मोननाय मावफारियाफोरखौ थिसनिफिनोनि माखासे नेमखाथिफोर


- बे बिथांखिया 30-06-2024 समसिमल' सोलिगोन।
- सावसि आरो मेलेरिया इन्सफेकर केडारि रेलवे सिबिथाइनिफ्राय आजिर मोननाय मावफारियाफोरखौल आरख बिलाइ गथायनो हागोन। 3) आजिर मोननाय मावफारियाफोर फिन थिसनिफिनोनि थाखाय बैसोनि सम सिमाया 65 बासोरि जानोगोन। फिन थिसनिफिनो मावफारियानि बैसोआ 65 बासोरि आवुं जायोब्बा गाव हासिडैनो जोबलागोन। 4) फिन थिसनिफिनो आजिर मोननाय मावफारियाफोरनि जोबथायाव दान बाथ्यानिफ्राय (थामहिनबा बैसिक पे + डिप) पेन्सननिफ्राय बाडइ खालामनानै दानबाथ्याखौ थि खालामनाय जादो। गोदाने थिसनिफिनो आजिर मोननाय मावफारियाफोर दानबाथ्यानि अनगायै गुबुन खाबुफोरखौ मोननाय नड। रादय खानाय समाव मोनबो रोखोमनि दान बाथ्या बानाय, डिप आरो एडसआरफोरखौ मोननाय होनाय जानाय नड। 5) वाल्क इन इन्टर्भिडनि थाखाय गोसो गोनां आजिर मोननाय मावफारियाफोर 09-02-2024 अक्टनि 10:00 रिगायाव जेनेरल मेनेजर (फि) / कन्फारेन्स हल, मालिगाव, गुवाहाटी-11 मावख'आव गासैबो नंगुवे फोरसान बिलाइ आरो एटस्टेट खालामनाय फोरसान बिलाइजो लोगोसे साथि मावनायनि साटिफिकेट, पेन्सननि आडिडि कार्ड एबा पेन्सन पेमेन्ट अर्वा, बैंक पासबुक (सेथि बिलाइ) लोगोसे एकाउन्ट नम्बर, आइएफएसडिसि कार्ड, पैन कार्ड, आभास कार्डजो लोगोसे मांथाम पासपेट्टे साइस पट्याफोरखौ जना होगोन। गोरेथि फोरसान बिलाइ / नंखाय सोलोथायनि फोरसान बिलाइ एबा साथिसि माननायनि साटिफिकेटखौ होयोब्बा बिजाथिनि हेंथायै भारत सरकारनि थिखायनाय आयेन बायदिदै यहा लानाय जागोन। 6) गेबेड मिथिनो थाखाय अनानै सा-सान्जा सिमना रेलवेनि वेबसाइट www.nfr.indianrailways.gov.in आव नायनो हागोन।

जेनेरल मेनेजर (पारसेनेल), मालिगाव, गुवाहाटी

सा-सान्जा सिमना रेलवे
मिनिस्त्वये ग्राहकफोरखौ सिबिथाइ होनाय

दुबाइ थांग्रा भारतयारिफोरनि थाखाय इमाइरेटस एयारलाइनआ गोजोन्थाव खौरां फोसावदों

दुबाइ, 2 फेब्रुवारी : दुबाइ थांग्रा भारतयारिफोरनि थाखाय गोजोन्थाव खौरां। भारतयारि पेसेन्जारनि थाखाय इमाइरेटस एयारलाइनआ गिदिर खौरां फोसावदों। बे फोसावनायजों दुबाइ थांग्रा भारतयारिफोरा गोलाव लाइन थानायनिफ्राय रेहाय मोन्ने हागोन। खौरांनि बायदिब्ला दुबाइ इमाइरेटस एयारलाइनआ भारतयारि पासपर्ट बाहायग्राफोरनि थाखाय एप्रभड भिजा एरइभेलखौं फोसावदों। आथिखालाव बे सुबिधाखौं बै भारतयारि पेसेन्जारफोरा मोन्ने हागोन, जायफोरा इमाइरेटस एयारलाइनआ बुकिं खालामगोन। बेनि गेजेरजों 14 साननि थाखाय सिंगेल एन्ट्रीनि थाखाय भिजा मोन्ने हागोन। बे गोदान फोसावनायनि उनाव दुबाइ थांग्रा दावबायारिफोरा आर'ज गाबनायखौं दुबाइ भिजा प्रसेसिं सेन्टारनि फारसे आबुं खालामगोन हागोन। अदेबानि इउएइ भिजानि थाखाय



इमाइरेटस एयारलाइननि फारसेनिफ्राय भिएफएस ग्लबेलजों लोगोसे पार्टनरशिप खालामदों। बे गोदान थांखिया भारतयारिफोरखौं सिमना टेक्सनि गेजेरजों गोरलैयै नेभि गेट खालामगोन गनायथि होनायै बे हाबनो हानाय हाबाफारिखौं गोरलै खालामदों। बेनि थाखाय खमैब्लाबो 6 दाननि थाखाय पासपर्टनि गोनं जागोन। भारतयारि पासपर्ट बाहायग्राफोरनि थाखाय

आमेरिकानि भिजा एवा ग्रिन कार्ड थानांगोन। बेनि अनगायै इउरपिय' इडनियन एवा इउके नि रेसिडेन्सियाबो खमैब्लाबो 6 दाननि थाखाय गनायथाव जायो। मख'नो गोनान्दि, दावबायारिफोरा थानाय 2017 निफ्राय इउएइनि उरां जाहाज गाथोनाव भिजा अन एराइभेलनि सुबिधा मोनगासिनो दड। बिरनायनि उनाव सरासन्हायै इमेग्रेशन काउन्टाराव पासपर्टआव जागोन।

मन्जुनाथआ थाइलेण्ड मास्टार्सआव मैचनि दिगरवौ सोलायनो हादों

गोदान दिल्ली, 2 फेब्रुवारी: 6 थि मासि मोन्नाय भारतीय गेलेगिरि त्रिचा जली आरो गायत्री गपिचान्दआ थाइलेण्ड मास्टार्स बेडमिन्टन दुर्नामेन्टि आइजोफोरनि जावजा केटेगिआव क्वार्टर फाइनलाव सौहेबाय। बबेखानि भारतनि बारा' मुलुगनि सैथि मासिआव जायगा मोन्नाय किदाम्बि श्रीकान्तखौं गाहाइसिन मासिआव जायगा मोन्नाय हादरनिनो गेलेगिरि मितुन मन्जुनाथआ जेनायाव खोख्लेदों। बिथानि अनगायै अस्मिता सलिहाआ आइजोफोरनि हासि केटेगिआव जोबथा 8 राउन्डआव सौहेनो हादों। त्रिचा



जली आरो गायत्री गपिचान्दआ तनिषा क्रास्ट आरो आस्विनी पनप्पाखौं 21-15, 24-22 स्करआव फेजेन्ने हादों। नेसनेल सेम्पियन आरो मुलुगनि 63 थि मासिआव जायगा

मन्जुनाथआ मन्जुनाथआ ताइवाननि यु प' पाइखौं 21-12, 15-21, 21-17 स्करआव फेजेन्ने। नाथाय बे समाव मालबिका बन्सतआ जायगानि बादायारि बुसाननजों 22-24, 7-21 स्करआव जेन्नाडे।

बांलादेशनि साइमा भाजेदखौं हुनि खोला-सान्जा एसियानि बिथोनगिरि थिसनबाय




गोदान दिल्ली, 2 फेब्रुवारी: साइमा भाजेदआ बृहस्पतिवारआव वर्ल्ड हेल्थ अर्गनाइजेसन, खोला-सान्जा एसिया ओन्सोलनि ओन्सोलारि बिथोनगिरि महरै बिबानखौं आजावो। साइमाया बे बिबानखौं आजावनाय गिबिसिन बांलादेशी आरो नैथि आइजो। मख'जाथावदि, थानाय बोसोरनि 1 नभेम्बरआव साइमा भाजेदखौं गोदान दिल्लीआव ओन्सोलारि समिति जथुम्मायाव डाब्लिउएइसअआ खोला-सान्जा एसियानि सोद्रोमा हादतफोरनि

ओन्सोलखौं दैदेन्नायनि थाखाय थिसन्दोंमोन आरो 23 जानुवारीआव बिथांखौं जेनेभायाव डाब्लिउ एइसअ मावफारिया बडंआ थिसन्दोंमोन। आथिखालाव बिथाडा दर 11 हादतफोराव हरिमायारि सावस्रि हाबाफारिखौं दैदेनगोन। भाजेदआ बुंदोंदि, गावनि थांखिया सोद्रोमा हादतफोरखौं गोखौं खालामनाय आरो डाब्लिउएइसअनि थाखाय आथिखालाव थासारि आरो सेलेन्सफोरखौं लानाने सावस्रिजों लोब्बा थानाय आंखालफोरखौं जानगार खालामनाय। गाहायै साबसिन थांखि आजावनायनि गोजेरजों मेन्टेलि हेल्थ आरो डेभेलपेन्टनि सायाव नोजोर होगोन। डाब्लिउएइसअनि बायदिब्ला, साइमा भाजेदआ बोथोर आरो आबहावा सोलायनायनि फारसे देहायारि फोथारनि जेनाफोरखौंबो गाहाइ नोजोराव लाखिदों। बेनि सिगां साइमा भाजेदआ मेन्टेल हेल्थ आरो अटंजमआव डाब्लिउएइसअनि गाहाइ बिथोनगिरिनि बोसोनगिरि महरैबो हाबा मावखांबाय। लोगोसेनो बिथाडा मेन्टेल हेल्थआव डाब्लिउएइसअनि जर'खा बोसोनगिरि पेनेलनिबो सोद्रोमा जाबोखांबाय।

आमेरिकानि पेन्सिलभेनियाआव गिरत्रंथाव उरां जाब्रथाय जादों

वेस्ट केलन, 2 फेब्रुवारी: आमेरिकानि गेजेर पेन्सिलभेनियानि साखाथियाव बृहस्पतिवारआव गंसे फिसा उरांआ जाब्रथाय जायो। खौरां सुजुजासिमआव रोखायै मिथिनो हानाय जायाखैदि, उरां जाब्रथायाव बेसेबां सुबुंफोरनि जिउ गोमादों। पुलिस बिबानगिरिआ फोरमायदोंदि, सान्जौफुनि 1.30 रिगासो समाव वेस्ट केलनआव उरां जाब्रथाया जायो। कटसभिलेनि सेस्टार काउन्टि उरां गाथोननिफ्राय जाब्रथाय जानाय उरांआ बिरखांदोंमोन। बेनि माखासे



मिन्टि उनावनो जाब्रथायाव गोखौंयो। बिथाड मिथिहोनाय बादिब्ला, उरांआव सासेल' पाइलट दडमोन। उरांआ बिरलांबाय थानाय समावनो बिफां

आरो न'जों सौप्रावलायनानै हायाव गोखौंयो। अदेबानि जाब्रथायाव गंसेबो न'आ खहा जायाखै। लोगोसेनो रावबो सुबुडानो जोखोम जायाखै। बेराफारसे जाब्रथायनि गाहाइ जाहोनखौं रोखा मिथिनो मोनाखै। बेनि जाहोनखौं मिथिनो हान्जाया नायबिजिरनायखौं जागायबाय।

रंजालि गथ'फोरनि सौरा

आंहा गांनाय गैया मोन्थाइ

माब्लाबानो बिथोन मोनाब्लासिनो अननाया जिरिलांखुमादोंमोन ऑनिफाय सिरियै, देरा लुनानै जायगा आवग्रिनो मोनगोननि मोनिखौं गोरलैयै रजेनि गोर्बो हाखराव दिदोमै जिरायहैदोंमोन।

थांखि दंमोन जानांगो सहैनो मोनसे मारुसिम, हांखुरजों ऑनिनो बोसोन खोनासनायनि दान्दिसे नेथ'नायनि थारैनो सम गैयामोन जानांगो।

नाथाय आं लुनाय फिसा देराया गुस्लायसुलि बोथोरनि बिखायाव थावरियाखिसै, साउननि अखा दामब्राखौं थावरिनो हायियावनो उखुम मुथायाबो सेवख' लांबाय, हान्थु खेरायबाय।

मोन्थोर रायना मोनिखौं मोननो बहाथो हायोनो दिनेनि दिनवा ? सा दिन्थि गाबानो गिबि आरो जोबथा जेराव, फेर फेरायब्लाबो बहाथो देरहानो रांआनो गोहो आरो गोहोआनो रांसोब्ला।

उनदाया लोहाबो आरो सोमखेलाडे मोखाड गोर्बो बेराया गुरुंखायनो खालु लादोंमोन जेब्ला दुसिनो गोनां गैया रावखौंबो अननायनि रोसिहाबो दाय गैया मोनबो, मेगननि नोजोर आरो गोर्बो हाबिलासानो ऑनि दायना।

थेवबोदि दाहा साफियो गोसोआव- आंहा गांनाय गैयामोन्थाइ अननायनि बिसखौं मोनलेंनाय नडमोन, सोलेराव थर थायामोन्थाइ खामगिलनाय अराव आं गाबखावामोन।

बिरनजय मोसाहारि डांतला (गहपुर), बिस्वनाथ

बिजाउन

थैनाया सोलेरि जिउआव फैफाखानाय जाउनाव आनदा हारायनांगो जायो नाथाय सासे नेहाथ सुबुंनि आखाइयाव थैनो लाजियो बेनिखायनो दावहार जानाने दावहार बादियैसो थैनो लुबैयो थारैनो नेहाथ सुबुंनि आखाइयाव थैनाया जिउआव जेबो ऑंथि थाया मानोना बुथारनायखौं जिउमाया गावनो लिंबोया लिंबोयो आखुगैयि मावदिनथिखानि बिजाउन।

सबिराम बर' राबां, बागसा

गोरोबने खन्थाइ

सानसे सुखु सानसे दिखार बेनो नामा- माया संसार

सफै लायबाय फागुन बोथोर जुलि जानो बयबो हांखुर

सोरबा रजेया रजेनो फागुन दानाव जुलि जानो

उदैन बाश्रा फोरमायो थांखि बिथांखि जुखायो

जायनो सिजौनि गुदियाव खुलुमो हरदम बिलियाव

गसाइया सानसे अनथोबगोन गसाइया सानसे होगोन गोजेन

'रैदोम बर', माजदिया, बगुलामारि, बाक्सा

हायनारिन्सिम

जौमोन बैसोआव हायनारि हिसाबै हास्थायो आं नोंखो जीउआव। रुगुं गैयै बे फैलाव बुहुमाव हास्थियै-हास्थियै सफैबाय आं नोंनि साखाथियाव। नोंखो नो अराय नोजोरनि सिगाडव लुबैयो, नोंखो नुवाब्लानो ऑनि गोसोआ बायगिलयो, हर-सान नोंनि सानथियावनो दोबै नाडे। हे हायनारि ! नोंनो ऑनि जीउनि थिखानाय दावमैना दा खालामसै आंखौं बोदोर बारफेदो ऑनि बिबार बागानाव बारसे समायना बिबार महरै, गोजोनगलाय होफेदो ऑनि बिखाखौं नेनानै दं आं बोदोर गोसो लानाने।

मुस्रि जाफुं बर' मसलपुर कलेज, एड्च.एस. नैथि बोसोर।

रंजालिनि सिमां

नुदोंमोन आं मैयासो हर गेजेराव रंजालिनि सिमां, नाथाय गैया आंहा मोगथांआव, सासेबो गोरबोनि अनजालि। रंजालि नोंखो मानो सोरांआव नुनो मोना मानो ? हरनि उन्दुनाय समावल' नुजाफैयो मानो नों आंजों। गैया आंहा मोगथांआव नों बादि सासेबो अनजालि दड गुबुनहा गाव गावनि असे नुयोबोला आं मालायनि रंजा बाजा। नाथाय गैया आंहा सासेबो अनजालि अनजालिनो मोगथांआव नुजाफैदो आंजों नों मोगथांआव गेले फेदो ऑनि मोदैखौं नोंनो फुगारदो।

मुस्रि रिन्दाव बसुमताद्दुर्ग गामि- 12 नं भुमका बिस्मिमपुरी जिल्ला- कक्राझार, बिटिसि।

आडानी ग्रुपनि गंनै कम्पनीया गोबां मुलाम्फा आर्जिदों

गोदान दिल्ली, 2 फेब्रुवारी : आडानी ग्रुपनि कम्पनीफोरनि फारसेनिफ्राय मोजां फिथाइ मोनो हादों। बृहस्पतिवारखालि आडानी ग्रुपजां लोब्बा थानाय गंनै कम्पनीफोरा गावसोरनि फिथाइखौ फोसावयो। बेनिनो आडानी पर्टसन नेट प्रफिट एबा गुबै मुलाम्फाया डिसेम्बरसिमनि 3 दानआव 65 जौखोन्दो बांनानै 2,208 कौटि रकख सौहैयो। फारसेथि आडानी इन्टरप्राइजेज लिमिटेड (एइएल)नि नेट प्रफिटआ बे दानथामआव 2 गुणनिबो बांसिन जादों। आर'बपति गौतम आडानीनि दैदनाय ग्रुपनि गाहाइ कम्पनीया बुंदोंदि, बेनि गोखों



दिन्थिफुनायाव रेनुएबल इनार्जी, उरां गाथोनफोर आरो लामा फालांगिफोरा जर'खायै बिहोमा होदों। कम्पनीया फिन्नायाव बुंदोंदि, अक्टबर-डिसेम्बर 2023 आव बेनि प्रफिटआ 1,888 कौटि रं जादों, जाय बेनि सिगां बोसोरनि बे एके समाव 820 कौटि रामोन।

आडानी इन्टरप्राइजेजआ फोरमायदोंदि, ग्रिन हाइड्रोजन कम्पनीयाव प्रफिट-बिफर टेक्सआ 4 गुण जानानै 1,655 कौटि रं जाहैयो। बेबायदिनो लामा फालांगिनि प्रफिट बिफर टेक्सआबो 2 गुण जाहैना 910 कौटि रं आरो उरां गाथोन फालांगिनिया 27 जौखोन्दो

बांनानै 1,774 कौटि रं जायो। बे 3 दानाव कम्पनीनि प्रफिट बिफर टेक्सआ 89 जौखोन्दो बांनानै 3,717 कौटि रं जाहैयो। आडानी ग्रुपनि शेयारमेन गौतम आडानीया बुंदोंदि, आडानी इन्टरप्राइजेजनि थाखाय थांनय 3 दानाव जोबोद मखजाथाव जादों। फारसेथि आडानी पर्टस एन्ड स्पेशल इक'नमिक जन (एपिएसइजेट) नि सोलिफु रंखाथि बोसोरनि एबा थांनय 3 दाननि बुधुमना मोन्नाय नेट प्रफिटआ 65.22 जौखोन्दो बांनयजों लोगोसे 2,208.21 कौटि रंजाहैयो। कम्पनीया बृहस्पतिवारखालि बेनि खौरां होयो।

मारुति, टाटा आरो महिन्द्राआ टप गियारआव फान्नायनि गोदान रेकर्ड थिसन्दों

गोदान दिल्ली, 2 फेब्रुवारी: गोदान बोसोरनि जागायजेन्नायनिफ्रायो गारिनि फान्नाया जौसिन थाखायाव दड। बांसिन अट कम्पनीफोरा बोसोरसे सिगांनि रुजुनायाव थांनय दानआव बांसिन फान्नायनो हानायखौ मिबधि होदों। मारुति सुजुकि इन्डिया, टाटा मटर्स, हुन्डाय मटर इन्डिया, महिन्द्रा एन्ड महिन्द्रा, बजाज अट' आरो हन्डा मटर साइकेल एन्ड स्कुटर इन्डियानि फान्नाया बोसोरसे सिगांनि रुजुनायाव जानुवारी 2024 माइथायाव बांसिनदों। मारुति सुजुकिआ थांनय दानआव गावनि रेकर्ड



फान्नायनि अन्जिमाखौ मोनफुनो हादोंमोन। कम्पनीनि गासै गारि फान्नाया जानुवारीयाव 15.5 जौखोन्दो बांनानै 1,99,364 इन्डि जाहैदों जाय थांनय बोसोरनि बे दानाव 1,72,525 इन्डि। बेयो बे कम्पनीनि दासिमनि बयनिखुइ बांसिन दानारि फान्नायमोन। मारुति सुजुकिनि गासै नख'रारि फान्नाया 13 जौखोन्दो बांनानै 1,70,214 गारिफोर जाहैदों, जाय बोसोरसे सिगांनि बे दानआवनो 1,51,367 इन्डि। नख'रारि गारि दिहुनग्रा टाटा मटर्सआ थांनय दानआव 84, 276 इन्डि। नख'रारि गारि फान्नायनि फोरमायथि होदोंमोन। जाय 2023 माइथायनि जानुवारीयाव 79,681 इन्डि। गासै गारिनि बोसोररि बिथायाव फान्नाय 6 जौखोन्दो बांनानै 86,125 इन्डि। हुन्डाइ मटर इन्डियाआ जानुवारिआव गासै फान्नायाव 8.5 जौखोन्दो

बांनानै 67,615 इन्डि जानायनि फोरमायथि होदों। एमएसआइआ मोनसे बिबुंथियाव बुंदोंदि, कम्पनीआ थांनय बोसोरनि बे दानावनो 62,276 इन्डि। नख'रारि फान्नाया थांनय दानआव 14 जौखोन्दो बांनानै 57,115 इन्डि। समखोन्दोआव 50,106 इन्डि। टयट किलोस्कर मटरआबो जानुवारीआव 24,609 गारि जगायनायजों बयनिखुइ बांसिन दानारि फान्नायनि फोरमायथि होदोंमोन। बेयो थांनय बोसोरनि 12,835 गारिफोरनि रुजुनायाव 92 जौखोन्दो बांसिन। महिन्द्रा एन्ड महिन्द्रा (एम एन्ड एम)आ दिने बोसोर सिगांनि रुजुनायाव जानुवारीयाव गासै फान्नायाव 15 जौखोन्दो बांनानै 73, 944 इन्डि जाहैदों। सियामआ बुंदोंदि, बाहायथाय गारि फान्नाया 31

जौखोन्दो बांनानै 43,068 इन्डि जाहैदों जाय थांनय बोसोरनि जानुवारीआव 31,915 इन्डि। बेनि गेजेराव हन्डा मटरसाइकेल आरो स्कुटार इन्डियानि साखा खबनै खोन्दोआव गासै फान्नाया जानुवारीयाव 41.5 जौखोन्दो बांनानै 4,19,395 इन्डि जाहैदों। बे समाव नख'रारि फान्नाया 37 जौखोन्दो बांनानै 3,82,512 इन्डि जाहैदों। रयेल एनफील्डआ दिने जानुवारीयाव गासै फान्नाया 2 जौखोन्दो बांनानै 76,187 इन्डि। थांनय बोसोरनि बे दानावनो कम्पनीया गासै 74,746 गारिफोर फानदोंमोन। फालांगियारि गारि बानायग्रा अशक लिलेन्डआ दिने गासै फान्नायाव 7 जौखोन्दो खमायनानै 15,939 इन्डि जाहैदों। जाय थांनय बोसोरनि बे दानावनो 17,200 इन्डि।

दिल्लीजों लोगोसे माखासे राइज्योफोराव जुब-जुब अखानि एलार्ट

गोदान दिल्ली, 2 फेब्रुवारी : सोनाबारि नारसिन्थाइनि जाहोनाव सा भारतनि माखासे बाहागोफोराव फैगौ 5 फेब्रुवारीसिमाव अखा हानायनि आसा फोरमायदों। भारतयारि बोथोर बिगियान बिफाननि बायदिब्ला सोनाबारि नारसिन्थाइनि जाहोनाव सा-सोनाब रजस्तान आरो खाथि-खालानि ओन्सोलफोराव चक्रबाती बारहुंखा सोमजिदों। फारसेथि हिमाचल प्रदेश आरो उत्तराखान्डआव बरफ गोखौं गासिनो दड। बेनि अनगायै 3 फेब्रुवारीनिफ्राय सोनाबारि नारसिन्थाया जागायनो थांनय गारिफोरनि दड, जायनि जाहोनाव सा-सोनाब भारतआवबो गोहोम गोखौंनो हागौ। बेरफारसे जम्मु-काश्मीर, लाद्दाख, गिलगित, बाल्टिस्तान, मुजाफरबाद, हिमाचल प्रदेश आरो उत्तराखान्ड बायदि ओन्सोलफोराव सरासन्तानिफ्राय गेजेर थाखौनि अखा आरो बरफ



गोखौंनो। बरफ गोखौंनयनि अनगायै हिमाचल प्रदेश आरो उत्तराखान्डनि माखासे बाहागोफोराव बृहस्पतिवारखालि गोबां अखाबो हानो हागौ। बेनि अनगायै पान्जाब, चन्डिगढ, हरियाणा, दिल्ली, उत्तर प्रदेश आरो सान्जा राजस्तानआव शुक्रवारखालि सरासन्तानिफ्राय गेजेर थाखौनि अखा हानो हागौ। जाय फैगौ 3 निफ्राय 4 फेब्रुवारीसिमाव सरासन्तानि अखा हानो हागौ। उत्तराखान्डआव

बोथोर सोलायनायनि गेजेरजों अखा आरो बरफ गोखौंनयजों लोगोसे सार-अन्थाइ गोखौंनयबो सोलिगासिनो दड। थांनय साननैनिफ्राय राइज्योनि गोखौं ओन्सोलफोराव थाद' थाद' बरफ गोखौंनय सोलिगासिनो दड आरो गाहाइ ओन्सोलफोराव बहाबा जुब-जुब अखा आरो बहाबा सार-अन्थाइबो गोखौंनो। गोखौं ओन्सोलफोराव गोबां बरफ गोखौंनयनि जाहोनाव जिब-

जुनातफोरनि सायावबो गोहोम गोखौंनो। बेयावनि गोबां लामाफोरा बन्द' जादों आरो गासै 100 निखुइ बांसिन गामिफोरनि सोमोन्दोया बायदों।

केनियाआव गेस स्टेसनआव गिखंथाव बेरफुनाय जाथायजों सा 165 सुबुंफोरा जोखोम जादों



केनिया, 2 फेब्रुवारी : केनियानि राजथावनि नेरबियाव थांनय 1 फेब्रुवारी हर गेजेराव गोखौंनो बेरफुनाय जाथाय जायो। बे जाथायाव सा 165 सुबुंफोर खामजानायनि खौरां मोन्नाय जादों। बेरफुनायनि सोदोबा ओरैबायदि गोखौंमोन, जायखौं खोनानानै खाथि-खालानि सुबुंफोरनि गेजेराव गिनाय सोमजिदों। बे जाथायाव सानै सुबुंफोरनि जिउ गोमादों आरो जिउ गोमानायनि अन्जिमाया बांनयनो हागौ होना सन्देह' फोरमायदों। मिडिया रिपर्टनि बायदिब्ला बे बेरफुनाय जाथाया नेरबिनि एम्बाकासियाव स्काइलाइन एस्टेटनि खाथियाव

थांनय कन्टेनर कम्पनीयाव जादोंमोन। हरखाबै जानाय बेरफुनायनि सोदोबखौं खोनानानै खाथि-खालानि सुबुंफोरा गिदोंमोन। माखासे रिपर्टआव फोरमायनाय बायदिब्ला, गेस लिग जानायनि जाहोनाव अर नांदोंमोन आरो बेनो लासै लासै खाथि-खालानि ओन्सोलाव गोसारदों। बेनि उनाव मोनसेनि उनाव मोनसे बेरफुनाय जाथाया जालाडे। आथिखालाव बे जाथायनि सोमोन्दैयै जेबो रोखोमनि मावख'यारि खौरां होनाय जायाखै। माखासे सुबुंफोरा बे बेरफुनाय जाथायनि भिडिअ बानायदों। बेयाव फोरमायनाय

जादोंदि, अरआ बै समाव नाडो, जेब्ला कम्पनीनि सिडाव स्टाफफोरा सिलेन्डार रिफिल खालामबाय थादोंमोन एबा गेस सोबाय थादोंमोन। बे समाव जाथाया जायो। गिखंथावै बेरफुनाय सोदोबखौं खोनानानै जायगानि सुबुंफोरा पुलिस आरो अर लुखोमोरगा बिफाननो खौरां होयो। बेनि उनाव अर लुखोमोरगा गारिया जाथाय जानाय जायगायाव सौहैनानै अर लुखोमोरनो नाजानायाव नांथाबो। आथिखालाव बे अरआ मानि जाहोनाव नांखो आरो माबोरै बेरफुनाय जाथाय सोमजिखो बेनि सोमोन्दैयै दासिमबो रोखायै मिबधिनी हायाखै। जायगानि मिडियाआ बेरफुनाय जाथाय आरो अर नांनयजों कम्पनीनि बिल्डिअ जोबोद गाजियै डेमेश जादों होना खौरां होदों। लोगोसे फायर ब्रिगेटनि टीमआ अर नांनयनि जाहोनखौं नागिरनो नाजगासिनो दड।

वाशिंग्टन, 2 फेब्रुवारी: आमेरिकाया इराक आरो सिरियाआव इराननि सान्श्रिफोर आरो सुबिधाजों लोगोसे माखासे थांखिफोराव गोबां हान्जायारि गाग्लोबनायनि यजनाखौं गनायथि होबाय होन्नानै आमेरिकान बिबानगिरिफोरा सुलुडाव मिथिहोदों। थांनय मंगलवारखालि आमेरिकानि हादरगिरि ज बाइडेनआ बुंदोंमोनदि, बिथाड सिरियानि सिमना साखाथियाव सा-सान्जा जर्डनआव डूनजों गाग्लोबनायनि खिथेर लानो थिरांथा लाबाय। बे डून गाग्लोबनायाव सा 3 आमेरिकान सान्श्रिफोरनि जिउ गोमादोंमोन आरो सा 40 नि बांसिन जोखोम

जादोंमोन। आमेरिकाया बे गाग्लोबनायनि थाखाय इरानआ मदद होनाय उतरखारि हान्जाखौंनो दायनिगिरि होन्नानै बुंदों। अदेबानि मिडिया रिपर्टआव आमेरिकाया खिथेर लानानै गाग्लोबगोननि जेबो समाय सिमनाखौं मख'वाखै। माहारियारि रैखाथि परिषदनि बुंथिगिरि जन किर्बीआ बुंदों, गावसिनि बादिब्ला, गाग्लोबनायनि यजना, जोन्थोर आरो सुबिधाखौं इरानआ इस्लामिक रेजिस्टेन्स मुनि मोनसे गुपआ थियायि खालामदोंमोन, जेराव कताइब हिजबुल्लाहजों लोगोसे माखासे गुबुन गुपफोराबो दंफयो। कताइब हिजबुल्लाहआ आबुडे दायनिगिरि नड, नाथाय बिसोर आमेरिकानि हान्जायाव गाग्लोबनायाव दंफायो। मख'जाथावदि, आमेरिकान सान्श्रिफोरनि बै गाग्लोबनायाव थैनाय जवानफोरखौं जर्जियानि 46 बोसोर बैसोनि सार्जेन्ट उल्लियाम रिभार 24 बोसोरनि सार्जेन्ट केनेडि सेन्डर्स आरो 23 बोसोरनि सार्जेन्ट ब्रियना मफेट होन्नानै मिथिनो मोन्दों। थांनय अक्टबरनिफ्राय सोलिबाय थांनय दावहायाव बे डून गाग्लोबनाया आमेरिकान सान्श्रिनि सायाव गाग्लोबनाया गिखंथावसिन गाग्लोबनायमोन आरो बेजों गेजेर सान्जा बाहागोआव जेनाया बांसिन जादों।

महिन्द्रनि एसइउभिखौ 2 बोसोरनि गेजेरावजो 1 लाख फान्जो हादों



गोदान दिल्ली, 2 फेब्रुवारी : महिन्द्र स्करपिय-एन एसइउभिधिया भारतआव लन्स जानायनि 2 बोसोरनि गेजेराव 1 लाख फान्नायनि अन्जिमाखौं बारबाय। कार बानायग्राया फोसावनाय बायदिब्ला, बेनि प्लेगशिप एसइउभिधिया बे दानआव फान्नायनि बे अन्जिमाखौं बारनो हादों। बे जाफुंसारनो हानाया बिसोरनि हान्जानि बयनिखुइ गोखौंसिन एसइउभिधनि मादाव मोनसे जाबाय। सुलुडाव फोरमायनाय बायदिब्ला स्करपिय-एन एसइउभिधनि बेसेना 13.26 लाखनिफ्राय 24.54 लाख रंनि गेजेराव। अफ-रड गोहो थांनय बे एसइउभिधिया दानफ्रोमबो एभारसेयै 8,000 निखुइ बांसिन इन्डिस्टनि फानगासिनो दड। स्करपिय क्लासिक एसइउभिधजों लोगोसे स्करपिय ब्रेन्डआ बावैसो सानफोराव महिन्द्रखौं गावनि फान्नायाव बांनोनायाव मदत खालामदों। स्करपिय-एननि बयजोंबो मोजां मोनजाग्रा

महिन्द्र-एन महिन्द्रया थांनय दाननि फान्नायाव 15 जौखोन्दो बांनोना हादों। बेनि गेजेरजों थांनय जानुवारीखालि कार बानायग्राया हादतनाडै 43,000 निखुइ बांसिन एसइउभिध फान्दों। जाय थांनय बोसोरनि जानुवारी दाननि रुजुनायाव 31 जौखोन्दो बांसिन। महिन्द्र स्करपिय

एनआबो आथिखालाव भारतआव जाफुंसारनो हानाय बयनिखुइ रैखाथि गोनांसिन एसइउभिधनि गेजेराव रंसै। ग्लबेल एनसिएपि क्रेसआव बेयो 5 स्टार रेटि मोन्दोंमोन। महिन्द्रखौं 6 स्टार आरो 7 स्टार मोनैबो कन्फिगारेसनआव दिन्थियो। बेखौं मोनब्रै ट्रिम्स जेट-2, जेट-4, जे-6 आरो जेट-8। एसइउभिधआ पावार होग्रा 2.0 लिटर टारब पेट्रल इन्जिन आरो 2.2 लिटर डिजेल इन्जिन, जाय एक्स इउभि-700 आरो तारनि सायावबो खामानि मावगासिनो दड। बेखौं डिजेल इन्जिन मोन्ने टिउनआव मोन्नो हायो।

पाकिस्तानआव रैखाथि हान्जाफोरा सिग्रोमनाय हाबाफारि लादों



हाबाफारि सालायदों। बिसोरनि थांखिया उतरखारिफोरखौं हमनाय। बेनि गेजेरजों गोदान केसआव पाकिस्तान रैखाथि हान्जानि अभियाननि समाव सा-सान्जा पाकिस्तानआव रैखाथि हान्जाफोरजों लोगोसे गावलायनायाव सानै उतरखारिफोरनि जिउ गोमायो। खौरांनि बायदिब्ला, पाकिस्ताननि अशान्त खैबर पख्तुनखवा ओन्सोलाव पाकिस्ताननि रैखाथि हान्जाफोरनि गेजेरजों सालायनाय मोनसे संगालि

आइएसपिआरनि बायदिब्ला, उतरखारिफोर थांनयनि खौरां मोन्नायनि सायाव बिथा खालामनानै थांनय बृहस्पतिवार

हराव देरा इस्माइल खान जिल्लायव हाबाफारि सालायो। आइएसपिआरआ फोरमायदोंदि, गुलि गावनायाव सानै उतरखारि सर्गना अस्प शेरख आरो बुखान उल्लाहआ जिउ गोमायो। बिसोर सानै उतरखारिफोरा नोगोरारिफोरखौं थांखिनानै बुथारनायजों लोगोसे माखासे उतरखारिफोरनि हाबाफारियाव एक्टिभयै बाहागो लादोंमोन आरो बिसोरनिफ्राय माखासे हाथियार आरो गला-बारुदबो बोखांनो हादों। बे ओन्सोलाव गुबुन उतरखारिफोरखौं नागिरनो

थाखाय नागिरनाय हाबाफारिखौं दासिमबो सालायगासिनो दड। बेनि गेजेरजों थांनय नभेम्बर दानाव जालांनय उतरखारि गाग्लोबनायजों खैबर पख्तुनखवा ओन्सोला बयनिखुइ बांसिन गोहोम गोखौंनोमोन, जेराव खेब 51 गाग्लोबदोंमोन आरो बे गाग्लोबनायफोराव सा 54 सुबुंफोरा जिउ गोमादों। फारसेथि बेफोर जाथायफोराव सा 81 सुबुंफोरा जोखोम जादोंमोन।

गाग्लोबनायनि सान्श्रिफोरनि बै गाग्लोबनायाव थैनाय जवानफोरखौं जर्जियानि 46 बोसोर बैसोनि सार्जेन्ट उल्लियाम रिभार 24 बोसोरनि सार्जेन्ट केनेडि सेन्डर्स आरो 23 बोसोरनि सार्जेन्ट ब्रियना मफेट होन्नानै मिथिनो मोन्दों। थांनय अक्टबरनिफ्राय सोलिबाय थांनय दावहायाव बे डून गाग्लोबनाया आमेरिकान सान्श्रिनि सायाव गाग्लोबनाया गिखंथावसिन गाग्लोबनायमोन आरो बेजों गेजेर सान्जा बाहागोआव जेनाया बांसिन जादों।

